



27 Januari 2016
27 January 2016
P.U. (A) 13

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PERIKATAN RANGKUMAN KEWANGAN (KEISTIMEWAAN DAN KEKEBALAN) 2016

ALLIANCE FOR FINANCIAL INCLUSION (PRIVILEGES AND IMMUNITIES) REGULATIONS 2016



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA ORGANISASI ANTARABANGSA (KEISTIMEWAAN DAN KEKEBALAN) 1992

PERATURAN-PERATURAN PERIKATAN RANGKUMAN KEWANGAN
(KEISTIMEWAAN DAN KEKEBALAN) 2016

PADA menjalankan kuasa yang diberikan oleh subseksyen 3(1) dan 4(1) dan seksyen 11 Akta Organisasi Antarabangsa (Keistimewaan dan Kekebalan) 1992 [*Akta 485*], Menteri, dengan persetujuan Menteri Kewangan, membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Perikatan Rangkuman Kewangan (Keistimewaan dan Kekebalan) 2016**.

(2) Peraturan-Peraturan ini mula berkuat kuasa pada 27 Januari 2016.

Tafsiran

2. Dalam Peraturan-Peraturan ini—

“AFI” ertinya Perikatan Rangkuman Kewangan yang ditubuhkan di bawah Perkara 1 Artikel Persatuan AFI;

“Lembaga” ertinya Lembaga AFI yang ditubuhkan di bawah Perkara 7 Artikel Persatuan AFI;

“pegawai” ertinya pegawai AFI, selain Pengarah Eksekutif, yang hak dan tanggungjawabnya dikawal selia oleh kontrak pekerjaan dengan AFI, tetapi tidak termasuk pegawai tempatan dan ditugaskan mengikut kadar jam;

“Pengarah Eksekutif” ertinya ketua pejabat AFI di Kuala Lumpur, Malaysia.

Pengisytiharan AFI menjadi organisasi antarabangsa

3. AFI diisytiharkan menjadi suatu organisasi antarabangsa yang baginya seksyen 4 Akta terpakai.

Keperibadian juridikal

4. AFI hendaklah mempunyai keperibadian juridikal dan apa-apa keupayaan undang-undang yang perlu bagi penjalanan kuasanya dan pelaksanaan fungsinya.

Keistimewaan dan kekebalan AFI

5. AFI hendaklah mempunyai semua atau mana-mana keistimewaan dan kekebalan yang dinyatakan dalam Jadual Pertama kepada Akta.

Keistimewaan dan kekebalan Pengarah Eksekutif

6. (1) Seseorang yang menjadi, atau sedang melaksanakan kewajipan sebagai, Pengarah Eksekutif hendaklah mempunyai semua atau mana-mana keistimewaan dan kekebalan yang dinyatakan dalam Bahagian I Jadual Kedua kepada Akta.

(2) Seseorang yang tidak lagi menjadi, atau melaksanakan kewajipan sebagai, Pengarah Eksekutif hendaklah mempunyai kekebalan yang dinyatakan dalam Bahagian II Jadual Kedua kepada Akta.

Keistimewaan dan kekebalan pegawai

7. (1) Seseorang pegawai hendaklah mempunyai semua atau mana-mana keistimewaan dan kekebalan yang dinyatakan dalam Bahagian I Jadual Keempat kepada Akta.

(2) Seseorang yang tidak lagi menjadi pegawai hendaklah mempunyai kekebalan yang dinyatakan dalam Bahagian II Jadual Keempat kepada Akta.

Keistimewaan dan kekebalan orang yang ditauliahkan kepada, atau yang menghadiri persidangan antarabangsa yang diadakan oleh, AFI

8. (1) Seseorang yang ditauliahkan kepada, atau yang hadir di sesuatu persidangan antarabangsa yang diadakan oleh, AFI sebagai wakil—

- (a) suatu negara selain Malaysia;
- (b) suatu organisasi antarabangsa yang lain; atau
- (c) suatu organisasi seberang laut,

hendaklah mempunyai semua atau mana-mana keistimewaan dan kekebalan yang dinyatakan dalam Bahagian I Jadual Ketiga kepada Akta.

(2) Seseorang yang tidak lagi ditauliahkan kepada, atau yang telah hadir di persidangan sedemikian yang diadakan oleh, AFI sebagai wakil yang disebut dalam perenggan (1)(a), (b) atau (c), hendaklah mempunyai kekebalan yang dinyatakan dalam Bahagian II Jadual Ketiga kepada Akta.

Keistimewaan dan kekebalan orang yang sedang berkhidmat dalam jawatankuasa, yang sedang mengambil bahagian dalam kerja, atau yang sedang melaksanakan misi bagi pihak, AFI

9. (1) Seseorang yang sedang berkhidmat dalam sesuatu jawatankuasa, atau yang sedang mengambil bahagian dalam kerja, AFI atau yang sedang melaksanakan suatu misi bagi pihak AFI hendaklah mempunyai semua atau mana-mana keistimewaan dan kekebalan yang dinyatakan dalam Bahagian I Jadual Kelima kepada Akta.

(2) Seseorang yang telah berkhidmat dalam suatu jawatankuasa, atau telah mengambil bahagian dalam kerja, AFI atau telah melaksanakan misi bagi pihak AFI hendaklah mempunyai kekebalan yang dinyatakan dalam Bahagian II Jadual Kelima kepada Akta.

Penepian

10. (1) Lembaga hendaklah mempunyai hak dan kewajipan untuk mengetepikan kekebalan yang diberikan kepada AFI dan Pengarah Eksekutif jika, pada pendapatnya, kekebalan itu akan menghalang proses keadilan dan boleh diketepikan tanpa menjejaskan maksud yang baginya kekebalan itu diberikan.

(2) Pengarah Eksekutif hendaklah mempunyai hak dan kewajipan untuk mengetepikan kekebalan yang diberikan kepada—

- (a) seseorang pegawai; atau
- (b) seseorang yang sedang berkhidmat dalam jawatankuasa, atau yang sedang mengambil bahagian dalam kerja, AFI atau yang sedang menjalankan misi bagi pihak AFI,

jika, pada pendapatnya, kekebalan itu akan menghalang proses keadilan dan boleh diketepikan tanpa menjejaskan maksud yang baginya kekebalan itu diberikan.

(3) Suatu negara selain Malaysia, atau ketua suatu organisasi antarabangsa yang lain atau suatu organisasi seberang laut hendaklah mempunyai hak dan tanggungjawab untuk mengetepikan kekebalan yang diberikan kepada seseorang yang ditauliahkan kepada, atau yang hadir di persidangan antarabangsa yang diadakan oleh, AFI sebagai wakil—

- (a) negara itu;
- (b) organisasi antarabangsa itu; atau
- (c) organisasi seberang laut itu,

jika, pada pendapat negara atau ketua itu, kekebalan itu akan menghalang proses keadilan dan boleh diketepikan tanpa menjejaskan maksud yang baginya kekebalan itu diberikan.

Dibuat 27 Januari 2016
[KK/BA(S)911/706/20; PN(PU2)507/IV]

DATO' SRI ANIFAH HJ. AMAN
Menteri Luar Negeri